

ԽՈՍՐՈՎ ՄԵԾ-ՏՐԴԱՏ II-Ի ԳՈՐԾՈՒՆԵՈՒԹՅԱՆ ՎԵՐՋԻՆ ՇՐՋԱՆԸ

Հ. Ս. ՍՎԱՋՅԱՆ

Հայ պատմագիտության մեջ կարծիքներ կան, թե III դարում տեղի ունեցած հայ-պարսկական կոիվներից հետո պարտված խոսրով Մեծ-Տրդատ II հայոց թագավորը մոտավորապես 252/253 թ. հեռացել է իր երկրից և կյանքի վերջին օրերն անցկացրել նրա սահմաններից դուրս: Դրանք հիմնված են բացառապես XII դարի բյուզանդական պատմիչ Զոնարասի մի հաղորդման վրա, որի համաձայն հռոմեական կայսր Գալլուսի ժամանակ (251—253 թթ.) «սխալեցին պարսիկների խլրտումները և նրանք նվաճեցին Հայաստանը. այս երկրի Տրդատ թագավորը փախավ, իսկ նրա որդիները մեկնեցին պարսից կողմերը»¹: Եվ քանի որ պատմիչի հաղորդումից անհայտ է մնում հայոց թագավորի փախուստի վայրը, ուստի ուսումնասիրողները փորձել են իրենք որոշել այն ու հայտնել են կարծիքներ, որոնցից մեկի համաձայն նա իբր փախել է հռոմայեցիների մոտ², իսկ ըստ մյուսի՝ ավելի սառույդ վայր՝ Արևմտյան կամ Հռոմեական Հայաստանի ջրմուս ավանը³: Եվ դա նույնիսկ այն դեպքում, երբ նշված կարծիքների հեղինակներին հայտնի էր այն փաստը, որ Տրդատ II-ի (216—256 թթ.) գործունեությունը աղբյուրներում վերագրվել է նրա հորը՝ խոսրով թագավորին (198—216 թթ.) և նա հայ մատենագրության մեջ հանդես է եկել վերջին անվամբ: Իսկ աղբյուրներն այս խոսքով, որ նույնն է Թե Տրդատ II-ի փախուստի ու վախճանի տեղ ցույց են տալիս բոլորովին այլ վայրեր:

Պարսկաստանում Սասանյան հարստության հիմնադիր Արտաշիր I-ի (227—243 թթ.) դեմ խոսրով Մեծ-Տրդատ II-ի մղած 11-ամյա հաղթական կոիվները՝ թեև թույլ շտվեցին Հայաստանը նվաճելու, բայց և Սասանյաններին էլ շատիպեցին հրաժարվելու իրենց այդ ծրագրից: Հայաստանը նվա-

1 Հղումը տե՛ս Հ. Մանանդյան, Երկեր, հ. Բ, Երևան, 1978, էջ 88—89:

2 Նույն տեղում, էջ 88:

3 Հայ ժողովրդի պատմություն, հ. II, Երևան, 1984, էջ 40:

4 Պարթևի վերջին թագավոր Արտավան V-ի սպանությունից և այնտեղ Սասանյան հարստության հաստատումից հետո, խոսրով Մեծ-Տրդատ II հայոց թագավորը որպես Արշակունի, դուրս է գալիս իր տոհմակցի վրեժը լուծելու և իր ու իրեն հարևան երկրներից՝ Վիրքից, Աղվանքից ու Կովկասյան ալեկալլ լեռներից կազմելով մի մեծ բանակ, մարտի կոչելով նաև մյուս Արշակունի թագավորներին (Ագաթանգեղոսյ, Պատմութիւն Հայոց, Երևան, 1983, § 19, 20, Մովսիսի Խորենացու Պատմութիւն Հայոց, Երևան, 1981, գիրք Բ, գլ. 2Բ, 2Գ, Ուխտանեսն եպիսկոպոս, Պատմութիւն Հայոց, Վաղարշապատ, 1871, էջ 70 տասնմեկ տարի շարունակ (Ադարթանդեղոս, § 23, Հովհան Մամիկոնյան, Պատմութիւն Տարսնոյ, Երևան, 1941, էջ 66—67) համառու անդիշում կոիվներ էր մղում նոր հարստության հիմնադիր Արտաշիրի դեմ: Կոիվների տասնմեկամյա տևողությունը պատմագրությունն ընդունում է որպես արժանահավատ իրականություն: Բայց ահա տարակարծություններ կան դրանք ընդգրկած ժամանակաշրջանի հարցում: Առաջարկվել են 228—238, 238—248, 242—252 թթ. (Հ. Մանանդյան, Երկեր, հ. Բ, էջ 92, 245—256 թթ.)⁴: (Հայ ժողովրդի պատմություն, հ. II, էջ 37): Բայց եթե պատմագիտությունը Արտավանի սպանության ու Արտաշիրի թագադրության տարին համարում է 227 թ., իսկ ըստ Ագաթանգեղոսի հայոց թագավորն այդ դեպքերին հաջորդող տարում (§ 19) է սկսում իր կոիվները, ապա տրամաբանական ու իրավասի կլինի այդ տասնմեկամյա շրջանը համարել 228—237/8 թթ.:

ճեղու նկրտումները պարսից արքունիքում նոր ուժով բռնկվեցին Արտաշիրի որդու և հաջորդի՝ Շապուհ I-ի (243—271 թթ.) օրոք, որը պարսկական տեղություն հետ ժառանգել էր նաև հոր նվաճողական քաղաքականությունը։ Սրա թագավորության հենց սկզբից վերսկսվում են Հռոմեական կայսրության ասիական մասին տիրելու համար դեռևս Արտաշիրի ժամանակներից մղվող պարսկա-հռոմեական կռիվները, որոնց ժամանակ Հայաստանը շարունակում էր հանդես գալ որպես Հռոմի դաշնակից։ Ռազմական գործողությունները նախապես ծավալվում են հօգուտ հռոմեացիների։ Սակայն 244 թ. Մեսիսես վայրում տեղի ունեցած ճակատամարտում կրած խայտառակ պարտությունից հետո սպանված Գորդիանոս կայսրին փոխարինած Մարկոս Հուլիոս Փիլիպպոսը (244—249 թթ.) վճարելով 500 հազար դինար ռազմատուգանք, 244 թ. խաղաղության դաշն է կնքում և պարսիկներին զիջում Միջագետքն ու Հայաստանը կամ նրա մեծ մասը։ Ուսումնասիրողները տարբեր կերպ են մեկնաբանել պարսկա-հռոմեական հիշյալ պայմանագրի Հայաստանին վերաբերող կետը։ Նրանցից ոմանք գտնում են, որ խաղաղության այդ պայմանագիրը չի գործել և մնացել է թղթի վրա, ոմանք էլ ենթադրում են, որ պարսիկներին զիջելով Հայաստանի մեծ մասը, հռոմեացիները, այնուամենայնիվ, իրենց ձեռքում են պահել Փոքր Հայքը, իսկ մյուսներն էլ ընդունելով հանդերձ, որ վերջինս մնացել է հռոմեացիների ձեռքում, ժխտում են ընդհանրապես մնացած Հայաստանը պարսիկներին զիջելու փաստը⁶։ Սակայն մենք գտնում ենք, որ հռոմեական պատմիչների կողմից իսկ ճամենաստմթաբեք⁸ որակվող այս պայմանագրի Հայաստանին վերաբերող կետը պետք է հասկանալ այնպես, որ Հռոմը հրաժարվում էր Հայաստանին ռազմական օգնություն ցույց տալուց և ազատ թողնում Շապուհի նկրտումների առաջ։ Այդպես կարծելու համար ՚հիմք է տալիս Մովսես Խորենացու մի հաղորդումը, որի համաձայն Մարկոս Հուլիոս Փիլիպպոսին հաջորդում են Գեկկիոս և Գալլոս և Վադերիանոս կայսերք, որք ոչ օգնեցին նման⁷, այսինքն Խոսրով Մեծին (իմա՝ Տրդատ II-ին)։ Այսպիսով, Հայաստանը մենակ է մնում Պարսկաստանի դեմ և եթե, ինչպես իրավագիտորեն կարծում են ուսումնասիրողները, դրանից հետո էլ չի ենթարկվում Պարսկաստանին⁸, ապա միայն իր թագավորի ղլխավորությամբ մղած հերոսական պայքարի շնորհիվ։

Հայաստանի համար ստեղծված քաղաքական այս նոր կացությունը տեղավում է շուրջ մեկ տասնամյակ, մինչև 253 թ., երբ, հաջորդությամբ ավարտելով քուշանների դեմ սկսած պատերազմը, Շապուհ II-ը հարձակվում է Հայաստանի վրա։ Հենց այս հարձակմանն է վերաբերում պատմիչ Զոնարասի վերոբերյալ հաղորդումը։ Տվյալ հարձակման ժամանակ է, որ հոգնատանց ու ալբես ոչ մի տեղից օգնություն ստանալու հույս չունեցող Հայաստանն անկարող էր դիմադրել և Խոսրով Մեծ-Տրդատ II հայոց թագավորը հարկադրված է լինում, ըստ Զոնարասի, փախչել։

Խոսրով Մեծ-Տրդատ II հայոց թագավորի փախուստով Հայաստանը դեռևս նվաճված չէր։ Տրդատ II-ն էր Մասանյանների ոխերիմ թշնամին և նրանց դեմ պատերազմների անխոնջ կազմակերպիչը։ Ուստի Շապուհ II-ը ձեռնամուխ է լինում նրան նաև ֆիզիկապես վերացնելու գործին և, այդ նպատակով ի դեմս Անակ Պարթևի, մարդասպան է ուղարկում։ Չեացնելով, թե փախչում է Շապուհից⁹, Անակ Պարթևը ուղևորվում է հայոց թագավորին սպանելու և դրա համար մեկնում է ոչ թե հռոմեական Հայաստան կամ Զրմես ավան, ուր, եթե հավատալու լինեինք ուսումնասիրողներին, հարկ էր, որ գնար, այլ Հայոց հյուսիս-արևելից կողմանք, մասնավորապես

⁶ Հ. Մասանյան, Երկեր, հ. Բ, էջ 87—88.

⁷ Նույն տեղում, էջ 87.

⁸ Խորենացի, Բ, գլ. 27.

⁹ Հ. Մասանյան, Երկեր, հ. Բ, էջ 88, Հայ ժողովրդի պատմություն, հ. II, էջ 36.

⁹ Խորենացի, Բ, գլ. 27.

Ուտիք: Ձեկեալ (Անակ Պարթևը—Հ. Ս.),—գրում է Ագաթանգեղոսը,—յանդիման եղև թագաւորին Խոսրովու յՈւտի գաւառի, ի Խաղխաղ քաղաքի, ի ձմերոցս արքայութեանն Հայոց»¹⁰, Ըստ Խորենացու էլ Խոսրով Մեծ-Տրդատ II-ը Անակի գալստյան մասին լսում է «յՈւտեացւոց գաւառին»¹¹:

Ուրեմն, Հայաստանի համար ծանր օրերին, հայոց թագավորը ոչ թե փախել էր իր երկրից, ինչպես սխալմամբ կարծել են ուսումնասիրողները, այլ հեռացել էր Հայոց Ուտիք նահանգի Խաղխաղ քաղաք: Ավելին, աղբյուրների վկայությամբ, նա այստեղ էլ երկար չի մնում և որոշ ժամանակ անց վերադառնում է Վաղարշապատ: Ագաթանգեղոսի վկայությամբ «իսկ երբ եկին հասին աուրք շերտտ հարաւհողմն գարուն դրանցն բանալոյ՝ համբարձավ թագաւորն ի կողմանցն յայնցանէ. եկին իջին յԱյրարատ գաւառ, ի Վաղարշապատ քաղաք»¹²: Եվ հենց այստեղ էլ տեղի է ունենում նրա սպանութիւնը, հակառակ պատմագիտության մեջ առկա կարծիքի, թե այն կատարվել է Զրմեսուդ¹³, «Առնոյր (Անակը—Հ. Ս.),—շարունակում է պատմել Ագաթանգեղոսը,—զթագաւորն մեկուսի նա և եղբայրն իւր հարազատ՝ իբրև ի պատճառս ինչ զբոսանաց, իբրև խորհուրդ ինչ խորհել ընդ նմա. և զսուսերն պողովատիկս թերաքամեալս ունէին, յանկարծ յեղակարծումս ժամանակի զէնս վերացուցեալ՝ զթագաւորն դիաթաւալ կացուցեալ յերկիր կործանէին»¹⁴: Որ հայոց թագավորի սպանութիւնը տեղի է ունեցել Վաղարշապատում, հաստատվում է նաև նույն հեղինակի անուղղակի վկայութիւնով: Ըստ նրա, թագավորի սպանութիւնից հետո հայ նախարարները Արտաշատի կողմերը փախչող մարդասպանին հետապնդում են Վաղարշապատից դուրս գալով և վերջինիս մոտ եղած կամուրջով անցնելով: «Անցեալ ընդ կամուրջն Վաղարշապատ քաղաքի, զոր և կամուրջ Մեծամորի կոչեն՝ (նախարարները—Հ. Ս.) աճապարէին հասանել յառաջ մի ի խելս կամրջին Արտաշատու»¹⁵,—գրում է Ագաթանգեղոսը:

Խոսքում Մեծ-Տրդատ II-ի սպանութիւնը տեղի է ունենում այն ժամանակ, երբ նա նախապատրաստվում էր նոր արշավանքի դուրս գալ պարսիկների դեմ՝ «ի միտ արկեալ թագաւորին՝ գումարտակ առնէր՝ անդրէն արշավել ի կողմանս Պարսից»¹⁶: Այս հանգամանքն էր, որ նաև շտապեցրեց Անակին՝ իրագործելու ոճիրը. «Իբրև զայն լսէր Պարթևն՝ զերդումն ուխտին յիշէր որ ընդ Պարսից արքային ուխտեալ էր»¹⁷: Հովհան Մամիկոնյանն էլ է հաստատում, որ Հայոց թագավորի սպանութիւնն իրականացվում է, երբ սա «կամէր... արշավել ի պարսիկս ի գարնանային ժամանակս»¹⁸: Աղբյուրների այս հաղորդումներից ելնելով, կարելի է հիմնավորապես պնդել, որ Հայոց թագավորը մեկնել էր Ուտիք՝ նոր զորք գումարելու և Շապուհի հետ իր պայքարը շարունակելու մտադրությամբ: Մոտ երկու տարի մնալով Ուտիքում¹⁹, նա, իսկապես, կարողացել էր հավաքագրել իրեն անհրաժեշտ քանակությամբ բանակ և վերադառնալով Վաղարշապատ՝ սպասել գարնանը, որի բացվելուն պես նախապատրաստվում է արշավանքի, սակայն եղբրական մահը նրան խանգարում է իրագործելու իր ծրագիրը:

¹⁰ Ագաթանգեղոս, § 28:

¹¹ Խորենացի, Բ, գլ. 27:

¹² Ագաթանգեղոս, § 31:

¹³ Հայ ժողովրդի պատմություն, հ. II, էջ 44:

¹⁴ Ագաթանգեղոս, § 32:

¹⁵ Նույն տեղում, § 33:

¹⁶ Նույն տեղում, § 31:

¹⁷ Նույն տեղում, § 32:

¹⁸ Հովհան Մամիկոնյան, էջ 67:

¹⁹ Հայ պատմագիտության մեջ Ուտիքը միշտ ներկայացվել է որպես մի վայր, ուր մեկնել են հայոց թագավորները նոր զորք հավաքագրելու և բանակ կազմելու համար: Այդ կապակցությամբ հիշենք Երվանդ Սակավակյացի վրա Արտաշես I-ի հարձակման ժամանակ նույն նպատակով աճալինի Ուտիք գնալու օրինակը (Խորենացի, Բ, գլ. ԽԴ):

Հայ պատմիչների տեղեկությունների համաձայն, հայոց թագավորի սպանությունը տեղի է ունենում Անակի Հայաստան գալու երրորդ տարում²⁰, որ ուսումնասիրողների հաշվարկով լինում է 256 թ.²¹

Խոսքով Մեծ-Տրդատ II հայոց թագավորի սպանության տարեթիվը իրավացիորեն ցույց տալով 256 թ., ուսումնասիրողները, սակայն, գտնում են, որ նա 253 թ. կարծեցյալ փախուստից հետո ընկած վերջին երեք տարում թագավորել է սոսկ Հայաստանի հռոմեական մասում, իսկ մյուս պարսկական մասում իբրև թե նույն՝ 253 թ. սկսած իշխել է նրա ազգականներից մեկը՝ Արտավազդ V-ը²²։ Բայց նրանք Տրդատի կյանքի ու գործունեության վերջին տարիների մասին ունենալով սխալ պատկերացում, սխալվում են նաև այս հարցում, ինչպես բխում է ներկա շարադրանքից, Տրդատ II-ն իր թագավորության ողջ շրջանում եղել է Մեծ Հայաստանի լիիրավ թագավորը և այդպիսին էլ վախճանվել։ Ուստի նրա թագավորության վերջին տարին պետք է համարել ոչ թե 253²³, այլ 256 թ.²⁴ Ասվածի հետևությունը Արտավազդի թագավորության սկիզբն էլ պետք է հետ բերել մինչև նշված նոր թվականը։

Այսպիսով, խոսքով Մեծ-Տրդատ II հայոց թագավորը ոչ թե փախել և ապաստան է գտել իր երկրի սահմաններից դուրս, այլ հեռացել է Ուտիք, այնտեղ նոր գործ կազմելու և պայքարը Շապուհ I-ի դեմ շարունակելու և այդպիսով Հայոց երկրի ազատությանն ու անկախությանը նախանձախնդիր անձնավորություն, նա 216 թ. անցնելով իշխանության գլուխ, մինչև 256 թ.՝ մինչև իր վախճանը Վտղարշապատում, անդուլ պատերազմներով ի դեմք է հանել Հայաստանը նվաճելու Պարսկաստանի բոլոր փորձերը, նրա դավադիր սպանությունից հետո է միայն, որ Շապուհը կարողանում է վերջնականապես նվաճել Հայաստանը։

ПОСЛЕДНИЙ ПЕРИОД ДЕЯТЕЛЬНОСТИ ХОСРОВА ВЕЛИКОГО-ТРДАТА II

Г. С. СВАЗЯН

Р е з ю м е

В армянской историографии бытует точка зрения, согласно которой потерпевший поражение в результате армяно-персидских войн III в., армянский царь Хосров Великий-Трдат II приблизительно в 252/3 г. бежал и нашел убежище, согласно одной версии, у римлян, а другой — в местечке Чрмес Западной или Римской Армении, где и был убит.

Однако Хосров Великий-Трдат II не бежал за пределы своей страны, а удалился в Утик с целью набора войска и продолжения войны против Сасанидской Персии. Собрав большое войско, он вернулся в Вагаршапат. Здесь же, при подготовке к походу, в 256 г. был убит присланным Шапухом I Анаком Партевом.

²⁰ Խոսրենացի, Բ, գլ. 27, Հովհան Մամիկոնյան, էջ 67։

²¹ Հայ ժողովրդի պատմություն, հ. II, էջ 44։

²² Նույն տեղում, էջ 40։

²³ Հ. Մանանդյան, Երկեր, հ. Բ, էջ 93։

²⁴ Հայ ժողովրդի պատմության ակադեմիական հրատարակությունում որպես Տրդատ II-ի թագավորության վերջին տարի նույնպես ցույց է տրված 256 թ. (հ. II, էջ 27 և հաջ.)։ Նկատի առնելով իբրև հռոմեական Հայաստանում նրա թագավորած երեք տարիները եւս իսկ ընդհանրապես, որպես Հայաստանի պարսկական մասում նրա թագավորության վերջին տարի է համարվել 253 թ. (էջ 40)։